



საქართველოს იუსტიციის მინისტრი

ბრძანება №346



KA010177285986012

თბილისი

14 მარტი 2012 წ.

ბრძანება პერიფერიული მოწყობილობების სახელმწიფო შესყიდვის ერთობლივად განხორციელების შესახებ

„საქართველოს იუსტიციის სამინისტროს დებულების დამტკიცების შესახებ“ საქართველოს პრეზიდენტის 2008 წლის 7 ნოემბრის №541 ბრძანებულებით დამტკიცებული დებულების მე-5 მუხლის მე-2 პუნქტის „ა“ და „კ“ ქვეპუნქტებისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-4 მუხლის მეორე პუნქტის შესაბამისად,

ვ ბ რ ძ ა ნ ე ბ ა:

1. საქართველოს იუსტიციის სამინისტროს დაევალოს კანონმდებლობის შესაბამისად, საქართველოს იუსტიციის სამინისტროს, საქართველოს პროკურატურის და საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირების - საჯარო რეესტრის ეროვნული სააგენტოს, სამოქალაქო რეესტრის სააგენტოსა და აღსრულების ეროვნული ბიუროსათვის პერიფერიული მოწყობილობების სახელმწიფო შესყიდვის მიზნით ჩაატაროს ელექტრონული ტენდერი.

2. საქართველოს იუსტიციის სამინისტრომ და მის მმართველობის სფეროში მოქმედმა საჯარო სამართლის იურიდიულმა პირებმა - საჯარო რეესტრის ეროვნულმა სააგენტომ, სამოქალაქო რეესტრის სააგენტომ და აღსრულების ეროვნულმა ბიურომ ელექტრონულ ტენდერში გამარჯვებულ პრეტენდენტთან გააფორმონ სახელმწიფო შესყიდვების შესახებ ინდივიდუალური ხელშეკრულებები კანონმდებლობით დადგენილი წესით, მათი 2012 წლის სახელმწიფო შესყიდვების გეგმებით გათვალისწინებული ოდენობების ფარგლებში.

3. ელექტრონულ ტენდერში გამარჯვებულ მიმწოდებელთან ანგარიშსწირება განხორციელონ საქართველოს იუსტიციის სამინისტრომ და მის მმართველობის სფეროში მოქმედმა საჯარო სამართლის იურიდიულმა პირებმა - საჯარო რეესტრის ეროვნულმა სააგენტომ, სამოქალაქო რეესტრის სააგენტომ და აღსრულების ეროვნულმა ბიურომ უნაღდო ანგარიშსწორებით საქონლის მიღება-ჩაბარების აქტის გაფორმებიდან 30 (ოცდაათი) კალენდარული დღის განმავლობაში.

4. საქონლის მიწოდების ვადად განისაზღვროს 45 (ორმოცდახუთი) დღე ხელშეკრულების ძალაში შესვლიდან.

5. ბრძანება ამოქმედდეს ხელმოწერისთანავე.

მინისტრი

ზურაბ ადიშვილი